

中國方志叢書·第一號

據

清·瑞麟戴肇辰等修史澄等纂
清光緒五年刊本

影印

廣東省

廣州府志

(3)

成文出版社印行

5672/117



10101768



中華民國五十五年十月臺一版

廣州府志

全三冊

定價：一二八〇元

發行人：黃 成 男

台北郵政信箱二二六〇五號

出版者：成 文 出 版 社

台北郵政信箱二二六〇五號

印刷者：正 大 印 製 廠

三重市長生街二號之一

版權所有

內政部登記證內版台業字第一一四七號

廣弼肩步
一百六十
三卷

光緒五年冬月

琴子粵秀書院

廣州府志卷一百十二

列傳一 周至南漢

謹案列傳前志祇分朝代蓋晉前祇有南海番禺增城三縣各縣多後所分也今自明以前悉仍前志入明以後人數既多則分縣以便檢焉

高固 南漢

張買 父戊

鄭嚴 田甲

畢取 孫都

鄧密

楊孚

招猛

陳臨

董正

疏源

羅威

唐頌

黃豪 以上漢

黃蓋 三國吳

廣州府志卷一百十二

列傳一

王範

黃舒

陶延

姚成甫

黃恭 族子整

楊平

洗勁 以上晉

周靈甫 南北朝宋

區金 子頴 孫伯虎

盧度 以上南齊

覃元先

馮融 子寶 寶子僕 族孫二

劉剛 陳

鄧文進 馮子猷 以上南梁

敬元禮

韓澄 從孫子泰

蘇妙 五世孫紹之

韋善道 子注 游

盧宗同

李文儒 曾孫休

區册 區宏

鄭愚

鄧承勳

邵謁

楊環 華隱居 黃隱居

何鼎 以上唐

何澤 後唐

簡文會

王翽

吳懷恩

鍾允章 弟有章

植廷曉

邵廷珪 以上南漢

周

高固南海人周顯王時楚子熊商滅越而臣服之是為楚威王固以才能歸楚為威王相時魯君子左邱明因孔子史記具論其語成左氏春秋鐸椒為威王傳為王不能盡觀春秋采取成敗卒四十章為鐸氏微由固進之大都楚君至莊王最賢霸諸侯能討罪逆以服人心春秋進之子孫復能繼述以故文教日興五羊銜穀萃於楚庭南海人為畫圖以表著

廣州府志卷一百十二

列傳一

二

固功故後世郡守猶繪諸廳事也初南海有勇獲者仕吳為夫差將周敬王三十八年黃池之會越敗吳吳太子友聞於王命王孫維與勇帥師先歸吳後無聞焉南海介荆揚裔土周初王會以翟貢通稱為蠻揚尚力而已迄附於楚固乃顯庸有文事云 據廣州先賢傳 阮通志參修

謹案高固見黃佐廣州先賢傳阮通志辨之詳矣然自禹貢已有朔南暨聲教之文千年來豈無鍾毓固實相楚不能必其非廣產也自來言廣州人物皆先高固故仍之

漢

張買粵人也 郭通志取 傳云番禺人 父戊以越騎將軍與華無害從高帝定三秦有功未及封而死買少善射知書拜中大夫孝惠

帝時侍遊苑池鼓權能為越謳時切規諷不自言父戰勳高
后稱制丞相審食其乃言買父戊從軍時勞勳與終陵侯華
無害同而身死子未有食邑於是封買為南宮侯傳其子生
遂家長安建元初有罪奪爵光和中粵民祀買祠曰秉正云

賢志修

鄭嚴田甲皆南海人武帝欲伐南越二人者首以越人歸漢
帝令越人善射馳馬者選為越騎使二人將之並封歸義侯
號其士為越侯兵元鼎五年秋蛙與蝦蟇羣闔占者謂南方
兆也會昌嘉作亂命四將軍眾十萬征南越嚴為戈船將軍
出零陵下灘水甲為下瀨將軍下蒼梧嚴善將兵而甲苛急
眾未得前於是伏波將軍路博德樓船將軍楊僕已平南越
開九郡會東越亦反詔嚴與甲即以越侯兵出若邪白沙

廣州府志卷一百十二

列傳一

三

山在越州白沙東元封元年冬咸入東越東越平二人不加
故閩州皆東粵路封免前稽罪也據黃通志修

畢取番禺人以材勇事南粵王為郎呂嘉弑王立建德以叛
漢命發兵討之樓船軍番禺東南取出戰會暮樓船敗之縱
火燒城伏波營西北以諭降者取乃以軍降封為廉侯建德
與嘉夜遁於海上伏波司馬蘇宏得建德嘉猶未獲粵郎孫
都知嘉走高昌稽得之封宏建德侯都為臨蔡侯據百越先賢志阮通

謹案番禺志賈傳後有胡害華無害朱革三人嚴甲
傳內復有何遣一人皆云越產未必定屬廣州也今

不錄

鄧宏番禺人以謀畧權勇稱武帝征和末交趾部刺史羅宏

舉宏茂才為屬國都尉轉南海郡丞皆有聲歷日南太守善
於柔遠民夷懷之卒葬馬鞍山光武建武中馬援征交趾駐
兵南海至其地每風雨晦冥聞人馬聲蹟之得必崇據廣州先賢傳

郡通志

楊孚字孝元南海人章帝朝郡通志作建初中舉賢良對策上第拜
議郎和帝即位欲用兵匈奴孚奏言創造用武守業尚文故
周勝殷則有載戢干戈之頌太宗息兵嘗言自勝衣冠念不
及兵先帝繼述虞來則應未嘗先伐故孝章之諡追配孝文
詩曰允文文王克開厥後又曰倬彼雲漢為章于天二帝之
謂也願陛下繩美祖宗毋輕用武永元十二年荒旱令在廷
議政令得失孚曰漢制郡國之士誦肄孝經察其志行選舉
孝廉故帝諡必稱孝者躬行化率也王莽不服母喪天下誅

廣州府志卷一百十二

列傳一

四

之然今時公卿大夫羅父母憂不得去位而黎民孝悌力田
反得爵級非所以為民表儀也且郡邑侵漁不知紀極貨賂
通於上下治道衰矣宜詔中外臣民均行三年通喪吏治必
務廉平以勸選舉之士庶幾克誠小民副承天意帝從其議
時南海屬交趾部刺史夏則巡行封部冬則還府表奏舉刺
不法其後競事珍獻孚乃著南裔異物志以諷切之自後羅
浮瑋瑁之屬日絕世謂能通神明孚家在江許南岸營移碓
陽松柏種宅前隆冬蜚雪盈樹人因目其鄉為河南孚後為
臨海太守復著臨海水土記以正獻貢也世服孚高識不徒
博雅據百越先賢志阮通志參修

謹案河南楊孚宅今屬番禺

招猛南海人舉茂才為郎安帝元初中官大鴻臚卿掌諸侯

及四方歸義蠻夷與郡國上計而諸王入朝拜諸侯嗣子禮儀皆屬焉猛善於其職動無遺禮四夷重譯若高句麗馬韓元菟南夷諸國初附及就封人覲者凡至容臺肄儀行事猛舉制詔跡之悉愜其情通志卷九

謹案阮通志云姓氏辯證註招猛晉步招之後以名爲氏番禺志云漢有大鴻臚招猛而已此傳疑後人擬造約畧後書百官志大鴻臚本注文支離雜湊參以後世語其稱元初中高句麗馬韓諸國初附尤爲不攷按元初爲安帝改元是時烏桓鮮卑南單于俱叛先零蠻越交侵非卽叙順軌之時且自武帝時元菟久已爲郡豈至元初始爲內附此紕謬之甚者故存舊文而表出之

廣州府志卷一百十二

列傳一

五

陳臨字子然南海人黃通志云今廣州香山縣家居海島奮志不同蠻俗郡舉孝廉順帝永建中官蒼梧太守推誠而理導民以孝悌民有遺腹子爲父報讐殺人吏獲繫獄臨知其無嗣令其妻侍獄中產一男郡人歌曰蒼梧府君惠及死能令死囚不絕嗣德參古賢天報施獻帝建安中徵爲廷尉卒後本郡以五月五日祠之東城門上令小童潔服舞焉其後子孫蕃盛世以爲陰德所致云據廣州人物傳鄉志南海志參修

謹案阮通志云陳臨於順帝永建中已官二千石又七十年至建安始徵爲廷尉則年盈百餘矣當時惟許敬爲司徒時百餘歲繼美前漢張丞相蒼恐不數數也順帝曾改元建康則建安恐建康之誤

董正字伯和番禺人也少有令姿耽意術籍年十五通毛詩

三禮春秋子立躬耕以供父母暇卽講詩書陳禮法遠近多從之遊鄉閭或少爲不善必相戒曰伯和得無入于耳否有不平者多詣正直之隱士南陽車遂字德陽問正令名不遠千里來投正道同志合恩如伯仲數年中遂得病正傾家救恤疾篤命絕停尸於堂殯斂之禮如同生自送喪於南陽旣返遂以學行知名太守舉孝廉正負笈徒步入山遣家屬詣府上舉板時州治蒼梧郡張使君舉正三辟不就後更辟正難重違從詣州使君聞已在途命書佐齋別駕從事假正正慙俯就復上傳送本郡獻帝建安中卒葬番禺之東衆爲樹表曰有漢徵士董君之墓過者必式晉哀帝隆和中南海太守袁宏追慕風采訪求世俗條列行誼聞於朝有詔旌表門閭墓禁樵牧據阮通志修

廣州府志卷一百十二

列傳一

六

謹案阮通志云黃佐廣州人物傳靈帝熹平末張角袁術起難天下大亂正觀天象知漢祚之不長輒掩涕太息或勸使出仕嘆曰潛龍以不見爲德君子以藏寶自完吾惟俟時何相迫耶董正見於廣州先賢傳其書久佚然張角起事安得與袁術並舉哉黃佐所引爲妄人改竄明矣故削而不取

疏源字元流南海人出給郡役爲戶曹佐性廉潔家貧餉晏不至同第人餉先至呼之共食源未嘗聽由是知名後爲尙書郎練故事爲九卿所重故人有詣源欲通苞苴者源絕口不答臨別便與訣曰子以言汚我從此當與君絕耳居嘗拱手端坐人望之儼然保直遇隆冬擁敗絮震悼戰栗吏獻裘堅卻之從司徒上書忤權貴得罪廢於家而卒據百越先賢志阮通志參

修

羅威字德仁番禺人天性惇慤幼知禮讓八歲喪父哀毀如成人事母至孝勤身奉養怡顏遜言朝暮供侍奇果珍味隨進遇寒常身先溫被席母乃寢袁山松後漢書作母年七十

夏月必撤帳而臥曰留蚊蚋恐齧吾母也制行雅飭口無

俚言足不及豪門待妻孥如嚴賓先世遺資郭田力耕自給非其力不食也鄰牛數食其禾威刈芻潛納其門牛主知之

感威長者自後相率檢犢不復侵威田見老稚負於途率代其任令異其行除吏不就強之則與母遁於增城令去乃還

母卒泣血骨立日進溢米食蔬醯者三年既葬結廬墓側朝夕盡哀白鹿止其旁馴擾如家畜世以為孝感所致威與同邑唐頌篤行齊名王僧孺之為南海太守也下教求士有曰

廣州府志卷一百十二 列傳一 七

此境三閩輿壤百粵舊都漢開吳別分星畫部風序泱泱衣簪斯盛其川岳所產豈直明珠大貝桂蠹翠羽孝實人經則

有羅威唐頌學惟業本又聞陳元士燮自是高尙獨往相望於嶼嶼懷仁抱義繼宗於前史蓋以廣之多賢由三數公者

倡也陳元士燮皆以文學震一時然躬行或少愧焉廣州府志

唐頌字德雅番禺人以孝聞連遭父母喪摧毀幾至滅性逮葬躬負土為墳廬其左朝夕哭踊捧盥進膳事之如生者凡

六年有甘露降於塚樹彌月不已人或訪頌見白鹿拾食廬次如豢畜咸異之稱為唐大孝頌自是終身衣不純采非祭

不近酒肉忌日必齋肅以祭見父母所遺物或經父母所歷輒捧手而泣人始以為矯及察之恒然而後知其篤行蓋天

性也郡察孝廉仕為布山令布山在鬱林境民夷雜居號難

治頌輔以太和不事威讐民感其仁無梗化者卒民報祀之

南齊武帝永明中范雲為廣州刺史至任首遣使祭頌及羅

威廣人亦尸祝之其祠今不存廣州府志

黃豪字子微南海人少好學年十六通論語毛詩弱冠詣交趾部刺史舉茂才因授徒廣信徵至京師除外黃令約已儉

所得俸秩悉賜貧民凡所剖決一縣稱平是時鄰邑蝗蟲為災獨外黃無有歲屢豐稔民先流移者悉歸附之闔境大治

三國吳

黃蓋南海人吳孫權時舉茂才為日南太守日南屢叛蓋思所以懲之下車以供設不豐呼主簿前數其罪撻殺之一郡

廣州府志卷一百十二 列傳一 八

大開蓋出避旋討定之自是稍知上下之分斂手遵法矣黃武四年冬魏主曹丕至廣陵臨江觀兵蓋從大將軍孫韶要

擊之不驚遁改始安太守有能聲初魏人唐咨因亂兵推奉為主避誅浮海降權權以咨為將軍後討南海臨賀蓋有功

將帥多交接之蓋目為叛人竟不相見其疾惡類此太元中

卒據阮通志修

謹案阮通志云孫吳時有二黃蓋一為泉陵人吳志有傳一為南海人見薛綜傳綜疏曰臣所見南海黃

蓋為日南太守下車以供設不豐撻殺主簿仍見驅逐則為兩人無疑矣番禺志作調停之說不必也

晉

王範南海人也好讀書有鑑識吳孫皓時閉戶不出或問其

繇對曰兒彈繳而弗避非靈禽也處亂世而求聞達非知士也人以爲名言郭馬亂廣州逐刺史徐旗從旗避難朝夕不離側者五年既歸以琴書自娛未嘗妄交有司贊其行爲辟之皆辭平吳行九品官人之法州置大小中正以本土人爲之刺史熊睦九賢傳熊睦薦州人德充才盛無踰範者乃以範爲廣州大中正選舉人才第其高下皆愜輿論時祕書丞河內司馬彪號博學嘗著九州春秋盛行於時範閱之見其畧於嶺服乃蒐羅百粵典故爲書名曰交廣春秋武帝泰康八年表上之訂述該覈見者歎服名動京師範爲人卓犖不羣屏絕流俗篤學至老不廢交廣向缺修載自範始創爲之據廣州人物傳

黃舒東莞人今隸新安字展公父教始遷於莞事親孝家貧力業

廣州府志卷一百十二 列傳一 九

以供滄瀛侍親側盛暑不脫冠帶親所使雖千里之外往焉父卒皇皇如欲無生躬負土爲墳廬其側豺狼左右號舒竟安之每夜靜哭聲出林薄隨風遠聞聞者爲泣下曰進淳廉一孟形容枯槁人勸其還哭而弗答母喪亦如之間巷咸謂爲今之曾參也有司奏旌其門因目其居曰參里參里之旁有山亦以舒故稱之曰參里山宋沈懷遠南越志載舒事謂不讓古人云據廣州人物傳

陶延字世賞番禺人其先家丹陽祖父基字叔先爲交州刺史始夷人不識禮義男女相犇生子乃不知父基乃教以婚姻之道訓以父子之恩設庠序立學校闡境化之留從子居廣州生延延兼文武才晉元帝時以戰功至伏波將軍爲陶侃郎將湘賊杜弢誘五溪蠻寇武昌延將兵夜趣巴陵掩其

不備大破之當論功進秩會疾卒荆人還其喪於廣州唐先賢志

姚成甫番禺人幼聰悟以學義知名居父憂哀毀成疾嗜山水不娶世事惟以服食自娛吳刺史陸允苦南海水鹹導泉爲甘溪後寢湮涸成甫復濬之郡蒙其利晉簡文帝咸安中採菊於菖蒲澗遇一老父教之服菖蒲成甫如其言身遂輕健年八十餘卒據水經注百越先賢志

黃恭字義仲南海人少恬漠刺史鄧岱器之錄爲記室參軍草檄聲罪山越警服轉封山令有治才州察孝廉舉爲佐著作郎父憂去職服闋補廣州大中正於是蒐輯王氏交廣春秋補其遺漏以君親倫理爲重其論合浦之士有尹牙者爲郡主簿受知太守問其愁悴答以重讐未報卽變姓名爲執

廣州府志卷一百十二 列傳一 十

之天子奇其才因赦不問此事邦君之大義也評者比諸刺客則謬矣丁茂孝感人謂之虛然則通於神明者非耶朱厓令女與母爭死不辱反爲鄙論所非皆遠至道不應經義其他研覈皆此類也後復廣爲十三州記首釋郡縣宏指世傳其書族子整爲平越司馬博洽工文詞有集十卷今不傳據水經注百越先賢志

楊平字伯衡南海人好學篤義明習孫吳弱冠以才畧爲郡從事歷遷寇校尉穆帝永和五年拜交州刺史征西將軍桓溫遣督護滕駿率交廣兵伐林邑王范文敗於盧容平自將兵迎駿退次九真更運粟治軍而文已被創死子佛代立七年平與駿復進軍壽洽浦入頓郎湖討佛於日南故治佛連壘五十餘里平與駿力戰大破之佛竄川藪遣其子及大帥

面縛請罪軍門平遣武士陳延勞佛與盟而還林邑自是貢
獻不絕詔加平龍驤將軍封南陵縣侯據水經注阮通志修

謹案此傳各志多歧黃通志作遺其子太師阮通志
因之而分注云水經注無其子二字今遵 武英殿
本水經注太師作大帥武下加士字勞佛下刪子字
餘仍舊焉

洗勁南海人家本武帥世爲部曲至勁讀書尙節操爲廣州
中兵參軍安帝元興三年冬十月盧循寇廣州勁帥兵五百
人出戰城陷被執循欲釋而用之勁叱曰賊奴乃欲凌國士
耶遂遇害刺史吳隱之上其事安帝義熙中追贈始興太守
曲江縣侯諡忠義據百越先賢志修

宋

廣州府志卷一百十二

列傳一

三

周靈甫增城人有膂力慷慨知大義家素以財稱有家兵部
曲萬餘人仕至南江督護孔默之刺廣州愛之其子熙先復
善靈甫宋文帝元嘉中熙先攜至建康薦之得官累遷伏波
將軍後熙先謀立彭城王義康以錢六十萬使靈甫於廣州
合兵靈甫知諫不從長往不返熙先就擒靈甫聞之縱酒憤
歎盡散所與錢賙貧者謂人曰負人之託不信敗人之事不
忠失忠與信吾視然人矣遂扼腕而死據廣州人物傳修

謹案阮通志云增城縣南五十二里有金牛潭相傳
縣民張安釣此潭於石上得金鎖大如指牽之愈出
有物從水中引之力不能禁以刀斷得數尺遂至大
富其後靈甫亦好釣見此牛寢伏石上旁有金鎖往
掩得二丈許遂以財雄爲江南都尉皆晉安帝義熙

時事其說本於竺法真撰羅山疏載羅浮山志然增
城志云靈甫見宋書范蔚宗傳其於孔氏有知己之
恩而不與其亂可謂能知大義者潭中金鎖之說頗
誕不敢詳也

齊

區金字南貴南海人宋武帝孝建末客揭陽齊武帝在潛起
義師征豫章賊金爲首領從大將往平之至金陵事齊高帝
比受禪用爲右武衛校尉以女爲美人累擢至郢州刺史子
顯亦以恩授甯州刺史顯子伯虎陳書作伯虎蓋唐人避李虎諱知勇絕人
積有軍功益折節讀書官新州刺史撫綏民療政平人和陳
寶應連留異爲亂伯虎從都督章昭達討之三世刺史亦嶺
海盛事也據阮通志修

廣州府志卷一百十二

列傳一

三

謹案阮通志引番禺志云齊書武帝紀帝常宋時爲
領令會晉安王子勛反江州帝以南康郡起義兵避
始興相殷孚衆強乃退屯揭陽山中聚衆三千人破
南康走其相戴凱之帝據郡城遣軍主張應期鄧惠
真將三千人襲豫章帝自南康下破走談秀之事平
徵爲尙書庫部郎則是豫章賊謂談秀之等所從之
大將卽張應期鄧惠真也至金陵謂隨帝以尙書郎
徵入都也郢州舊志作尹字之誤也甯州在今雲南
齊無新州區伯虎之刺新州當在梁時此其本末可
考者也

廬度字孝章中宿人有材畧嘗隨張永北侵魏言於永曰魏
人所恃者特淮水耳我以輕兵擒其游騎多張旗幟爲疑兵

彼必不敢渡因而擊之此上策也永不能用果爲魏所敗度阻淮水不得過心誓曰若得免死從今不復殺生須臾兩楸流來接之得過後隱居廬陵西昌三顧山鳥獸隨之夜有鹿觸其壁度曰汝壞我壁應聲去屋前有池養魚皆名呼之次第取食逆知死年月武帝永明末忽置酒與親友別曰吾返其真矣至期果卒度預知未來行事多神異世稱其有道術焉在中宿時棲息金芝巖有枕石在邑人至今目爲盧公臥處

據齊書本傳廣州人物傳參修

謹案中宿縣今之清遠

梁

覃元先南海人也初名無名勇力善騎射齊末反者四起元先募民兵據有番禺梁高祖興慶州刺史李堅遣人說之使

廣州府志卷一百十二

列傳一

七

歸梁任孝恭代堅爲書曰昔陸賈皇華定交知於南越長卿披繡通夷險於夜郎故傳美於往書流芳於篆素足下南方盛族嶺表豪門籍譽既深流芳已舊但道曠風雲論生平而莫卽江山間阻銜杯酌以何因空想神魂徒勞夢寐僕世稟威儀門勒鐘鼎提干海岳推轂數千逮我不才粵大記作運際風雷資兼文武鴻私弗替應茲闕外麾蓋所臨實宜慈造足下刺舉一隅同奉家國進止之宜實侯高算得書卽詣闕降高祖召見謂曰公當立勲業書彝常奈何無名乎遂改今名拜東甯州刺史在任累著戰功加雲麾將軍侯景反元先與賓化侯蕭雲討之擒斬賊將所向無前會元先卒於師雲遂遁歸南海

據黃通志修

謹案番禺志云齊州郡志無慶州當是愛州但愛州

之析在普通四年非梁初也李志以愛州分交州置草書相似或卽交州也任孝恭於太清二年被害去梁武受禪時四十餘年以此推之爲書時年甚少而此書則誠齊梁文詞非僞造耳

馮融番禺人北燕主宏裔宏爲魏所敗竄於高麗遣其子業以三百人浮海歸晉留新會融業之孫也事梁爲羅州刺史能以禮義威信鎮於俗汲引文士相與爲詩歌蠻中化之蕉荔之墟弦誦日聞每行部所至蠻酋焚香具樂望雙旌而拜戒其下曰馮都老來矣毋爲不善以壞罪戮都老俾言官長稱也自是溪洞之間樂樵蘇而不罹鋒鏑者數十年初融之蒞政也雖三世守牧然他鄉羈旅號令不行乃爲其子高涼太守寶婚於郡大姓洗氏洗氏戒約本宗使從民禮與寶參

廣州府志卷一百十二

列傳一

七

陳

決詞訟俾人始相率受約束融得人心洗氏力也融既卒郡人思其德祀之自融以上墳墓皆在新會寶以後乃居高之涼德焉

據廣州人物傳修

劉刪番禺人鄒通志金通志都通志張府志南海志俱作南海人字正簡少篤學有志操州郡舉爲諮議侯景之亂侯官令徐伯陽浮海至廣州見其文歎曰嶺左奇才也及伯陽爲司空侯安都記室亟薦其詞學宣帝太建初召至京師除臨海王長史與記室張正見輩爲文會之友王以其才行深禮遇之卒於官

唐

據阮通志修

鄧文進南海人家雄於財文進獨折節讀書士趨其門文進皆館穀之賓客至千餘人擇其勇畧者使扞鄉里俾伺夷獠

聞風悚服隋末盜賊遍天下五嶺亦擾文進散財集兵以赴
難旬月之間眾數萬掠地至始興時賊帥林士宏據虔饒兵
不克進與戰輒敗於是保有廣韶二州歸者如市時豪會楊
世畧據循潮馮益據高羅甯長真據欽廉桂林諸郡文進皆
通書定盟同歸於好百粵之地免於兵革文進力也無何土
宏稱帝遣使至番禺授諸帥以偽官文進獨不受唐高祖武
德五年四月文進統所部降賜勅獎勞即拜韶州刺史既仕
益盡心民事移郡治於水西梁王蕭銑發兵攻樂昌文進堅
守累立戰功卒贈鷹揚衛上將軍文進理郡有威為民所畏
每戰奮臂一呼風雲變色軍中謠曰鄧守一嘯百夫避途言
其勇也沒後多著靈響郡人立廟祀於樂昌復配享張文獻
公祠景泰中追諡忠襄子孫留韶遂為始興人又有廣州大

廣州府志

卷一百一十二

列傳一

主

姓馮子猷者馮益族子家有部曲復雄於財高元朝每五管征討
恃以為援云據廣州人傳修

敬元禮番禺人以薦官吉州參軍武氏之亂御史李福業與
桓彥範謀興復唐室及武三思用事彥範等被殺福業亦流
廣州元禮見而敬之福業嘗賦守歲詩冬去更籌盡春曉此
兩年催見元禮訝其催年之句已而三思追捕福業亡匿
唐詩紀事

元禮家俱坐死將刑謝元禮元禮曰公窮而歸我我舍公笑

忍乎見者咸服其義據黃通志修

韓澄字伯源南海人曾祖瑗三原人顯慶中為宰相諫廢王

皇后立武昭儀帝大怒諸遂良諫被貶瑗救之許敬宗李義

府誣瑗不軌貶海南卒籍其家子孫配廣州官奴澄生長南

海勵志讀書嘗默禱於羅浮山神祈復世讐義府死始以秀

才得薦官至汲郡太守郭英又作變澄以軍功自普州刺史
加尚書兵部郎中嘗巡歷至義府墓私發其尸鞭之果符所
禱人皆義之從孫子泰元和中官至漳州刺史悉心為治官
吏懲懼百姓安謐韓愈刺袁州嘗舉泰以自代云馬通志修
蘇妙字觀妙南海人先家雍州武功父又為京兆少尹始徙
廣州妙幼奇穎讀書通大義累官至泉州刺史有惠政行春
門樓有白雀來巢見妙出每飛集車蓋上泉民歌頌之先是
父以父環兄類世承台衮每懷盛滿名其二子長曰復取萬
物並作吾觀其復也少曰妙取嘗無欲以觀其妙也兄弟皆
好道奉事老子而儒行亦修云五世孫紹之最知名據黃通志修
韋善道字守約南海人代為郡著姓博學能詩不好章句少
作縣吏節度使張九章與語奇之免其役俾佐書記益究墳

廣州府志

卷一百一十二

列傳一

主

籍遂通三禮掌帥府威儀為零陵令歲旱民流移為盜開倉
賑之境內遂安遷郴州太守有訟鵝者問其所飼甲云稻穀
乙云糠飯叱而留之明日視遺矢有芒穀召甲歸之人服其
明兄弟訟田召終鮮者給之訟者感悟更為輯睦有八子長
注遜蹟不仕闢園池朝臺之陽曾元累葉不應辟舉號章隱
居家許渾詩秋來見雁下
枕簟涼西去松葉暗柴門臨水稻花香雲連海氣琴書潤風帶潮聲
里可能垂白待文王第七子榜登進士第上章歸養善道
沒後乃出仕官至象州刺史陳陶送章七使君赴象州任詩
一鶚章公子新恩領郡符

通志補龍節過蒼梧地理金城據阮通志修

盧宗同字望淵南海人少時讀書忘寢同舍生嫉其所作假

以他事毆之宗同遂謝不與校由是為鄉鄰所重舉元和十

年進士官集賢校理聞父有疾乞告歸卒宗同嘗寓長安有

題慈恩寺塔詩時人傳誦愛之為刻木榜棟阮通

李文儒字元質柳通志張府志南海人少以詞翰知名仕為番

禺從事元和中應湖南辟道樂昌眾推作勸溪石室記揮毫

立成見者駭服轉觀察推官雖憂東還帥府孔戢延為記室

會韓愈謫潮州文儒請於戢加優禮柳通志作文儒以愈名

幾從之月給送使錢郭通志錢愈謝不受時論兩賢之後在

湖南以侍御史充節度使判官江陵有兄弟甲科者帥召之

譙固辭帥為書責其傲幕客不能終篇文儒為足之曰韓韓

棣華異有懷而靡及幡幡瓠葉同式飲以庶幾謂其非奉使

也其人惶恐謝過成禮而去帥大悅厚幣謝之太和中遷明

州刺史其地瀕海每番航至商賈雜湊文儒豫行禁令民夷

不犯性剛方每譙歌妓未嘗正視小吏誣民為盜即坐以其

廣州府志卷一百十二列傳一七

罪比罷歸家徒壁立惟玩圖書而已曾孫休亦好學有祖風

據黃佐廣州先賢傳修

區冊南海人區治子之後冊喜讀書家徒壁立挾卷呻吟無

少倦下筆為文千百言滾滾不休郡守以下皆重其文采貞

元十九年監察御史韓愈貶陽山令冊冒險往陽山師愈愈

亟稱許及歸省親送之以序其見重如此時又有區宏者亦

遊愈門愈有送宏南歸詩張籍亦有詩送宏蓋與愈周旋頗

久愈遷法曹時宏送至荆門及愈人為博士宏亦隨之丹陽

洪興祖謂宏即冊然其始末不類或其族人也據廣州人

鄭愚番禺人家世殷富騶童皆統衣鼎食愚幼穎力學嘗作

詩云臺山初罷霧岐海正分流漁浦颺來笛鴻達翼去舟隱

然有濟川之志識者知其公輔器文宗開成二年進士擢第

釋褐秘書省校書郎累遷尚書郎懿宗咸通初為桂管觀察

使廉察吏弊閭閻肅然三年嶺南西道節度使蔡京苛慘淫

刑為邕州軍士所逐詔愚代之瘡痍嗷嗷方撫循不暇會南

詔入寇安南都護蔡襲告急救發荆南湖南兩道兵二千桂

管義兵三千詣邕州受愚節度而嶺南東道又奏蠻兵必向

邕州宜先保護未可馳赴乃救愚分兵備禦而所發諸道兵

竟不進襲又奏求益兵愚支持半載邕州得免無虞朝廷復

督責之愚乃自言儒臣無將畧請任武臣乃詔義武節度使

康承訓代愚發荆襄洪鄂四道兵萬人亟往救襲已無及矣

承訓奏愚在鎮善禦守狀朝廷始知其功召為禮部侍郎咸

通八年知貢舉舊制詩賦題多出古句士易蹈習時詔放雲

南子弟還國愚以此試士拔鄭洪業第一與論翕然黃巢平

廣州府志卷一百十二列傳一大

後廣州殘破僖宗中和初出鎮南海以撫綏功召拜尚書左

僕射後三載薨無子詩文多散逸不傳愚鎮廣時嘗於越王

山構亭作記今亦佚欽定全唐文鄭愚潭州大鴻山同慶寺

多矣各用所宗為是而五常教化人事不外於性命精神之

際史氏以為道家之言故老莊之類是也其書具存然至湯

精界外生死出於有無之問然獨得言象不可以擬議勝

妙不可以意況則浮屠氏之言禪者庶幾乎盡也有口無所

用其辯巧歷歷無所用其數愈得者愈失愈是者愈非我則我

矣不知我者誰氏知則知矣不知知者何以無其林不能盡

室其空不能了是者無所不為者無所不得其失非去來之蹟

城市不必喧無春無秋冬四時之行無得無失非去來之蹟

非盡無也冥於順也遇所即而安故不介於時當其處無必

故不歸於物其大旨如此其徒雖千百得者無一二近代言

廣州府志卷一百十二

列傳一

九

之厚也且死生於人得喪之大者也既無得於生必無得於死既無得於死必無得於生故於其間得失是非所不容措委既而得其為道術天下之能事畢矣皆語是非之端辨之益惑無補於學者今不論也師以茲為事其徒稍稍從之則與之結構虛室與之伐去陰陽以至於千有餘人自為飲食網紀而於師言無所是非其有問者隨語而答不強所不能也數十年言佛者天下以師為首武宗皇帝還僧徒空其所師遠裏首為民推悲出崇崇之輩有識者益貴武宗之矣後湖南觀察使故相國裴公休酷好佛事值宣宗釋武宗之禁師固不欲載其徒以歸以裴公休之徒又議重創其髮髮師固不欲載其徒以歸以裴公休之徒又議重創其髮事如初師皆幻視無所為意忽一二日笑報其徒示若有疾以大中七年正月九日終於同慶精廬年八十三僧臘五十鳴草樹皆自雖有其事語且不言終之日水泉早竭禽鳥號師始聞此不復出師亡後十一年其徒有以師之道上聞始諡加諡號及墳塔以厚其終達達者所為耶噫人生萬類之最靈者而以精神為本自童孺至老白首始於飲食漸於功名利養是非嫉妬得失憂喜晝夜纏縛又其念慮未嘗時斷息煎煎然形器之筋骸餐飯無耗齒髮已弊又按白碑以從其事外以夸人內以欺己曾不知息形休影排慮安神自

廣州府志卷一百十二

列傳一

十

易復難但無事心即安少思慮簡悲歡淨蕩蕩園園更無物不勞看聽他語被人謾生必死理之常榮必倖非改張造眾罪惡心王作少福須天當善惡報正身當自結裏無人將心作惡口說空數木石嚇自瞞牛阿房鬼五通尊觀滿見西東禁定住陽鐵曉與作爲事不同最上乘有想思無結淨本無爲人不見自心知動便是莫狐疑其下說設文詞意此意見吾師 據唐詩紀事 郝通志阮通志參修

謹案阮通志云唐詩紀事謂愚唐末爲相而新舊史皆不書蓋僖昭亂世史失其職故劉煦宋祁摩所據爾文苑英華咸通中愚自禮部侍郎除鎮廣南西道時懿宗制授守邕州刺史兼御史大夫稱其挺超卓之奇名蘊精剛之利器宣布惠和棟材旂績已以相業期之其召還在僖宗乾符中當以侍郎進同中書門下平章事可知矣

鄧承勳南海人績學膺薦上京師從宰相劉瞻制誥久之登廣州府志卷一百十二 列傳一

乾符五年進士爲虔州志通志金通司馬待選家居節度使柳玘禮重之錄其家範以教子孫會黃巢破廣州執節度使李迢索玘急承勳潛以小舟濟玘免難巢賊平承勳拜江州刺史謝病歸 志修

邵謁本清遠人後徙曲江復徙翁源家焉善吟咏長於樂府有詩十集今不存初爲縣吏令有客至目使搗牀者三謁不應令怒謁瞪目視曰咄吏豈供汝搗牀者耶讀書于祿易與耳大丈夫安能俯爲人役令益怒左右提曳之謁不爲動掉臂出握刀截其髻着縣門矢之曰學苟不成有如此髮發憤讀書學成爲有司所舉抵京師隸籍太學聲華奕奕所交皆名士然剛燥與時戾其論政一篇語尤切直是時藩鎮強戾宰相多非其人故謁語及焉以是不第甲科已而釋褐後赴

官不知所終嘉靖間黃佐得其集於秘閣梓之傳世據廣州人物傳

楊環南海人力學工詩隱居羅浮懿宗咸通末登進士第初任省時夢登高臺耘草得玉麟及除宏文館校書郎人賀曰子居是職所謂麟臺云閣也始悟所夢拜官後時事日非拂衣歸隱至德令周繇與環友善極稱許之又有章隱居黃隱居者家於朝臺往來羅浮與環莫逆日以琴樽自娛時人稱曰南濱三隱據廣州人物傳百

謹案阮通志引黃通志云黃隱居住羅浮疑卽刺史

黃勵章隱居卽章善道長子

何鼎其先曲江人後徙番禺少聰悟日記萬言宣宗大中初進士筮仕著作郎遷瀧州司馬以能名節度使李迢一作禮

廣州府志卷一百十一

列傳

三

重之累遷容管經畧使時承亂後民生憔悴鼎加意招徠賴以安堵嗣賊梁宗煥叛鼎單車往說之賊徒露刃林立鼎從容諭以禍福且曰汝曹何不兵我宗與其徒皆拜泣曰竊聞使君高誼久矣開示逆順是吾儕再生之秋也其敢違命以干天刑卽散其衆歸耕終鼎之任無貶僇者廉辨二州歲大祲賑濟不足以俸周之鼎小疾民有燃指禮佛爲之禱者時朱全忠強逆不臣鼎善星厯誠諸子曰汝慎毋事全忠全忠宛惡類祿山必有慶緒之禍以勢觀之全忠必將改王以星象言之唐家當復興晉分野有王氣其在河東乎鼎沒後友珪弒全忠莊宗滅友貞一如所言諸子守其訓皆事莊宗子

澤最知名據廣州人物傳

後唐

何澤番禺人鼎之子少好學長於歌詩舉進士爲洛陽令唐

莊宗畋獵踐民田澤伺莊宗至當馬諫曰陛下未能一天下方暴斂疲民以給軍食今田將熟恣畋游以害稼使民何以出租賦吏何以督民耕陛下不聽臣言願賜臣死莊宗大笑爲之止獵拜倉部郎中明宗時數上書言事請置太子侍讀敕曰澤處班行深明典制固根本而別彰憂國上封章而足表匡君其所敷陳實爲允當特議施行是時儲官久虛士論韙之明宗幸汴州又欲幸鄴澤伏閣切諫明宗嘉之拜吏部郎中史館修撰澤外雖直言內實邪佞嘗於內殿起居班退獨留以笏叩額北望呼曰明主明主聞者皆哂之五代之際民苦於兵往往因親疾以割股或既喪而割乳廬墓以規免賦役兵部歲給蠲符而課州縣出紙號爲蠲紙澤上書言其

廣州府志卷一百十一

列傳

三

弊明宗下詔廢之澤與宰相趙鳳有舊數求爲給諫鳳薄其爲人以爲太常少卿敕未出而澤先知之卽稱新官上章自訴章下中書鳳等言澤未拜命而稱新官輕侮朝廷請坐以法乃以太僕少卿致仕居於河陽澤時年已七十尙希仕進卽遣婢宜子詣匭上章請立秦王爲皇太子秦王素驕多不軌遂成其禍由澤而始晉高祖入爲太常少卿以疾卒於家黃佐廣州人物傳論曰澤之事明宗也嘗於內殿起居班退獨留以笏叩額北望呼曰明主明主聞者皆哂之五代之際民苦於兵往往因親疾以割股或既喪而割乳廬墓以規免賦役兵部歲給蠲符而課州縣出紙號爲蠲紙澤上書言其

南漢

簡文會南海人乾亨元年改南海爲咸甯常康二縣遂爲咸

甯人幼穎攻書善詩為人耿直南漢劉龔開進士科擢第一
人及第累官尚書右丞逮事劉晟諫其暴酷晟怒謫漳州刺
史卒於官所居鄉號魁崗堡其居有簡狀元井後倫文敘居
其地亦狀元及第云據十國春秋黃通志都通志參修

王翹一作翹南海人也乾亨初舉進士拜中書舍人會白龍見

南宮詡進白龍頌文采斐然大有七年昭陽殿成詡又著昭
陽殿賦上之獻賦者數十百人詡為第一每賜予稍緩詡必
揚言曰吾賦字字作金聲何受賜之晚也其自負如此據十國春秋

吳懷恩番禺人事劉龔為內府局丞性謹愿典衛二十餘年
未嘗小有過玢襲位遷內常侍玢好宴樂東西教坊伶官千
餘晝夜出入宮中懷恩諫曰今禁中蕭韶府百餘人善音律

廣州府志卷一百十一 列傳一

夜宴用此足矣教坊雜入禁中恐雜人竊發不可不慎玢不
聽果為陳道庠所弑晟襲位授官闡諸衛押番乾和六年加
開府儀同三司西北面招討使與巨象指揮使吳珣伐楚攻
賀州楚決勝指揮使徐知新救之未至懷恩已拔賀州鑿大
穿城外覆以蒹葭土下施機軸自墮穿穴通穿中知新至攻
城穴中機發楚兵悉陷懷恩從擊之楚兵死者千數知新遁
懷恩乘勝取梧州按歐史拔賀州後攻梧州及連宜嚴
州者兼賀桂言之也通鑑則攻克賀蒙桂後又云因以兵畧
定宜連梧嚴富昭柳鬱象等是十一州矣十國春秋說同
始盡有嶺南地加僕陽縣公蒼梧縣感報寺銅鐘款文維大
月庚辰朔十六日己未弟子萬華官使桂州管內招討使
待進上柱國吳懷恩鑄造按此銜諸書未及附注於此
寶中宋取郴州鎮懼以懷恩為桂州團練使治戰艦懷恩馭
下嚴每舟成必躬臨視材有良窳不等或制度不如法輒榜

役工役多怨及造銀龍舟成懷恩以縣裏手徧捫鉤楫匠人
區彥希在旁運斤斫懷恩首墮船中左右悉驚走懷恩以善
戰冠時所至有功及遇害國人憂之據通鑑九國志參修

鍾允章其先邕州人博學瞻文辭劉龔設科取士允章以進

士及第累遷中書舍人最龔位尤被寵過凡誥敕碑記多命

屬草援筆立就嘗侍游羅浮山應制為詩每褒賞之曰允章
倚馬才也附錄允章雲華御室記大漢亭國之三十有三祀

無波時屬邪寒節當冬狩九卿扈駕百司隨鑾巡英州舍於
開石翌日排儀仗盤翠華羽衛星羅旌旗雲布嶽靈警蹕風
伯詩座上衣龍章絳袍曳鳳文翠綬佩流黃纓金之劍御飛
靈凌壓之輿幸茲盤龍石室者也伏惟大聖文武元德大明
至道大廣孝皇帝陛下聖惟天縱功格帝堯味道探元奉真
元之化端拱垂衣垂衣而治之風百度惟貞九圍承式因討清
虛之景爰追汗漫之遊斯山之勝樂也得非元化興機巨靈
運智丹臺曙室真為上帝之居乳竇芝房地是長生之境白
天吹而臺天書永幽禽語而洞壑雲深神草含華元泉竭瑞
於是拂石床而設御侍玉輦而凝旋遂感龜鶴呈祥河宗效

廣州府志卷一百十一 列傳一

器俄頃有一道流衣短褐飲容而至自稱野人本無姓名云
昔時葛先生於此石室煉丹砂藥成息微蹶雲而舉令野人
且伏火延神秘丹於靈府垂云後五百載當有真人降此子
宜以其還丹呈獻昨畧算之起重光甲子之歲迄唐貞觀
之年將四百九十一祀果令金德主來幸驗其君之言明矣
人因謂葛而面上喜問所陳問仙者靈丹何在野人曰咫尺
耳遂捫蘿于峭壁中取出一小石函函上金書百篆題九蛇
之丹四字函內有神丹七粒大如黍粟光射人仙者聞而取
丹躬自持獻野人速旋踵隱入石縫間周知厥止時有近臣
奏曰聖人德契元微感茲靈異何以兆民係念四海為心
復還丹未宜輕服上然所奏遂屏去左右迺召從臣吳懷恩
捧丹置湯於石室深處遙望屏去左右迺召從臣吳懷恩
衆設壇場陳齋醴以申告謝靈賜由是龍顏開豁圖奏九
緩撫瑤琴弄清泉之激越親灑宸翰會稽思之繼續奏九
之簫韶應霞縹緲感百獸之率舞洞府諸閣羣后子來皆朝
於禹會衆德華至競祝乎堯齡微臣榮近獲垣獲隨鑾紀
僊靈秘典之事愧之好辭頌聖朝煥赫之功傳拜工部郎中
無應疎拜承給旨伏積兢惶時乾和七載記
知制誥乾和六年使楚求婚楚不許允章還晨曰馬公復能
經畧南土乎時馬希廣新立希萼起兵武陵湖南大亂允章
具言楚可攻狀晟遣吳懷恩吳珣等伐之克賀桂連宜嚴梧

蒙七州以允章首建議賞資不可勝紀有司奏允章名儒宜
爲儲輔晟命教長子衛王繼興繼興卽位更名銀以允章藩
府舊僚擢尙書左丞參政事銀淫戲無度委政宦侍陳延壽
龔澄樞女巫樊胡子宮婢盧瓊仙等朋妖亂政允章深嫉之
抗疏請誅數人以正綱紀銀不從羣小仄目大寶二年銀祀
天南郊前三日允章與禮官指揮壇上宦者許彥真望見曰
此謀反耳拔劍登壇允章迎叱之彥真走告銀銀曰朕待允
章厚豈有此耶澄樞李託等證之乃下允章獄遺禮部尙書
薛用丕治之允章與用丕有舊泣曰吾無罪以誣死不恨第
二子幼不知父寃長公當告之彥真聞罵曰反賊欲使子復
仇耶入白銀並捕二子遂族誅之是日天色慘黯行路皆爲
掩涕彥真誅始收葬焉弟有章文學與兄齊名累官翰林學

廣州府志卷一百十二

列傳一

五

士中書舍人銀時建天華宮於羅浮山又立雲華閣及甘露
羽蓋等亭命有章爲記辭采宏贍先允章卒據五代史十國春秋參修
植廷曉東莞人爲南漢將見銀暴日甚解兵柄歸宋開寶三
年太祖遣潘美率師伐漢破李承渥拔韶州銀顧諸將無可
使者始起曉爲大將統軍六萬屯馬逕以禦宋師又以宮媼
養子郭崇岳爲招討使與同事崇岳無謀惟禱於鬼神而已
四年春美克英雄二州進馬逕砦於雙女山廷曉謂崇岳曰
北軍乘席捲之勢其鋒不可當吾士旅雖衆然皆傷疲之餘
今不驅策而前亦坐受其弊矣廷曉乃領前軍據水而陣令
崇岳陣後旣而宋師濟水廷曉力戰不勝死於陣據金通志修
邵廷珣東莞篁村人爲南漢主劉鋹將官至禹餘宮東面招
討使內侍監上柱國宋太祖受禪廷珣言于鋹曰漢承唐亂

居此五十餘年幸中國有故干戈不及而漢益驕于無事今
兵不識旗鼓而人主不知存亡夫天下亂久矣亂久而治自
然之勢也今聞真主已出必將盡有海內其勢非一天下不
能已宜亟修兵爲備不然悉珍寶奉中國遣使以通好銀惜
然莫以爲慮惡廷珣言直深恨之及宋師南伐克郴州銀始
思廷珣言命爲招討使率舟師屯泚口會宋師引還廷珣招
輯亡叛訓士卒修戰備國人賴以少安有投匿名書言其反
銀遣使賜廷珣死士卒排軍門見使者訴廷珣無反狀請加
考驗不許乃相與立廟泚口祠之據東莞志修

廣州府志卷一百十二

列傳一

美

南海李徵肅分纂 南海梁 起初校 番禺金佑基再校
番禺史悠泰三校 順德羅 槩四校
廣州府志卷一百十二終